

Co ils cumins de Lumnezia cun Glion, Flem e Val s. Pieder han 1538 acquistau lur suveranitat

Objekttyp: **Group**

Zeitschrift: **Igl Ischi : organ della Romania (Societat de Students Romontschs)**

Band (Jahr): **26 (1938)**

PDF erstellt am: **25.06.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Co ils cumins de Lumnezia cun Glion, Flem e Val s. Pieder han 1538 acquistau lur suveranidad

Gl'onn 1928 ha igl «Ischi» commemorau il Vavel centenari della libertad dils Libers de Lags. Uonn, 1938, secompleneschan 400 onns ch' ils cumins de Lumnezia, della Foppa cun Glion, de Flem e Val s. Pieder ein vegni en possess de lur compleina libertad ed han aschia contonschiu lur independenza e suveranidad. Igl ei aschia bein giustificau de sefermar in monument avon quei impurtont fatg el svilup politic de nos cumins.

Ils cumins allegai ein stai signeradis dils baruns de Belmont e lu ils comts de Sax-Mesauc. L'epoca dils baruns de Belmont cun lur imposant casti a Flem-Fidaz, dils quals la ruina conservada ei aunc oz in losch monument, ei glorificada principalmein dallas victorias de 1352 sil Mundaun ed a Porclas (sur Glion), che vivan aunc frestg ella tradiziun dil pievel, essend reportadas cun siu agid, in'enzenna de si' attaschadad al barun Belmont. Suentar la claustra de Mustér fuva el il pli pussent signur feudal en Surselva. Ils comts de Sax-Mesauc ein 1390 sco artavels stai lur successurs. Ei para denton ch' il pievel lumnezian hagi buca viu bugen quella midada. Ella battaglia de Carnè (Degen) han ils de Sax 1390 denton cun agid de truppa jastra rut sia resistenza.

En medem temps ha igl uestg era cedi ad els ses dretgs signurils en Surselva, mo gia 1483 ha comt Hans Peter de Sax puspei vendiu els agl uestg per 4000 renschs. Uestg Ortlieb de

Brandis fuva in um de ver format signuril e vasta eglia da politica. Tenor il document de 1483, dataus da s. Michel, ha el garantiu allas dertgiras acquistadas tuts dretgs gudi entochen lu, alla Foppa e Glion aunc dapli. Ch' igl uestg Paul Ziegler ha 1538, suenter mo bi e bein 50 onns, buca cedi ord agen impuls ses dretgs signurils als cumins per 1800 renschs, pia meins che la mesadad de 1483, secapescha. Ellas relaziuns politicas e socialas haveva ei denton dau ina gronda viulta, documentada els artechels de Glion (1524 e 1526). Che loghens reformai vulevan buca pli igl uestg per lur signur, secapescha; mo ch' era la Lumnezia ha en medem temps dumandau sia liberaziun politica dagl uestg ei en vesta della progressonta reformaziun de capir sco act de prudientscha. Igl um ch' ha pegliau a mauns cheu la caussa della libertad ei bannerherr ed ugau episcopal Martin de Cabalzar de Degen, il posteriur cau della Ligia grischa, in eminent politicher. La liberaziun ei daventada entras in compromiss della dertgira dils 15, la dertgira della Ligia grischa. Tuts dretgs feudals ein vegni cassai en quels cumins ed agl uestg ei vegniu renconuschiu ina indemnizaziun de 1800 renschs. Cheutras han els acquistau lur compleina suveranidad. Divers signeradis seculars han acquistau lur independenza politica pér tschentaners pli tard, per part pér cun la mediaziun, 1803, p. ex. Schluein e Haldenstein, Razen pér cul congress de Viena 1815.
